

6. Ale bratr z bratrom prawo pyta, a to pola njewěriwych.

7. Wšak je hižo z cyla njedostatk mjez wami, zo maće mjez sobu skórzby. Čohodla radši křiwdu njeznjeseće? Čohodla radši škodu nječerpiće? Mat. 5, 39;

Luk. 6, 29; Rom. 12, 17; 1. Thess. 4, 6.

8. Ale wy křiwdu činiće a škodziće, a to bratram.

9. Abo njewěsće, zo njesprawni kralestwo Bože njewobsydnú? Njemylće so: ani kurwarjo, ani služownicy přibohow, ani mandželstwalamarjo,

10. Ani mjehkliwey, ani mužolóžnicy, ani paduši, ani nahrabni, ani wopilcy, ani klejerjo, ani rubježni njewobsydnú kralestwo Bože.

11. A tajcy někotři běšće; ale sće wotmyći, ale sće swjećeni, ale sće wosprawneni w mjenje našeho Knjeza Jězusa Khrystusa a w Duchu našeho Boha.*

12. Wšitko je mi dowolene, ale wšitko njeje wužitne. Wšitko je mi dowolene, ale ja nimam wot ničoho z mocu podčisnjeny być.*

13. Jědź je za brjuch a brjuch za jědže;

Bóh pak zniči tamny a tute; čělo pak njeje za kurwaństwo, ale za Knjeza, a Knjez za čělo.

14. Bóh pak je Knjeza zbudził; tež nas zbudzi ze swojej mocu.*

15. Njewěsće, zo su waše čěla stawy Khrystusowe? Mam potajkim stawy Khrystusowe wzac a z nich stawy kurwy sćinić? Nihdy.*

16. Abo njewěsće, zo je, štož kurwy so dzerži, z njej jene čělo? „Přetož budžetaj (praji) dwaj w jenom čěle.“

1. Mójz. 2, 24; Mat. 19, 5; Mark. 10, 8; Efes. 5, 31.

17. Štož pak Knjeza so dzerži, je (z nim) jedyn duch.*

18. Čekajće kurwaństwu. Kóždy hrěch, kotryžkuli čłowjek čini, je zwonka čěla; štož pak kurwi, hrěši přećiwo swojemu čělu.*

19. Abo njewěsće, zo su waše stawy templ Ducha swjateho, kiž je we was, kotrehož maće wot Boha, a njejsće (sami) swoji?*

Wyše 3, 17; 2. Kor. 6, 16.

20. Přetož droho sće wukupjeni.* Khwalće a nošće Boha w svojim čěle.**

9. Wy so zadžerziće, jako byšće njewědzeli, zo kóžda njesprawnosć z njebjeskeho kralestwa wuzamknje. — 11. Doniž běšće pohani, služesće z džěla tymle hrěcham, nětko pak sće přez hnadu Knjeza Jězusa Khrystusa wučisćeni. — 12. S. japoštoł wobroća so přećiwo tym, kotřiž samu nječistotu zamołwjachu a jako dowolenu wudawachu. Wón bě sam prajił: wšitko je dowolene, tola pak jenož wo zakazach Mójzesoweho zakonja w nastupanju wšelakich jědži, ale nie wo druhich zakazach zakonja Božeho, kaž to někotři błudnicy wučachu; haj s. japoštoł swoje słowa lišće dale wobmjenuje, zo je tež to, štož je samo na sebi dowolene, druhdy škódně, hdyž so bližšemu z tym pohóršk dawa, abo hdyž hrěšne nakhilnosće z tym tak wosylnjeju, zo su jako jich poddani. — 14. Błudnicy wučachu: kaž ma so žadanje za jědžu spokojić, tak tež žadanje njasných nakhilnosć. Pawoł to wotpokazuje a wučí, zo je mjez tym wulki rozdžěl; žoždik mjenujey a brjuch je za jědž přihotowany, jako tež jědž za brjuch, ale čělo je za Knjeza stworjene, zo by jemu služilo, a Knjez za čělo, zo by je poswjećil. Jědž a brjuch njejtaj na wěčne zjednoćenej, ale w smjerći a w přetlaču přestanjetaj z jenoho być. Čělo ma wěcnje wostać, a po smjerći zbudzi je Bóh, wěcnje ma tak Knjezej přislušec, a Knjez jemu; tohodla njesmě čělo kurwaństwu služic. — 15. Stawy našeho čěla su stawy Khrystusowe, w kurwaństwe bjerje čłowjek Khrystusej takrjec swoje stawy, zo by je kurwje přepodał. — 17. Štož so cyle Khrystusej přepoda a jemu sluša, dóstanje Khrystusoweho ducha, tak zo mysli a žada, štož Khrystus, z nim je we všim tak zjednoćeny, jako by z nim jenoho ducha měl. — 18. t. r. žadyn hrěch njewohidzi čłowječe čělo tak jara, jako kurwaństwo. — 19. Přez křćeńcu bu čłowjek templ Ducha swjateho, kotryž w nim bydli, w nim potajnje skutkuje; z kurwaństwom wonječesći so potajkim swjatnica Ducha swjateho. — 20. Swoje čělo kurwaństwom trjebajo mocuje so čłowjek toho, štož jemu njesluša, dokelž wón njesluša sebi, ale zbóžnikej, kotryž je jeho ze swojej drohej krowu wukupil. ** Hdyž tak Bóh we was bydli, njesměće jeho z nječistotu wonječesćeć, ale dyrbiće ze svojim čělom jemu swěrnje služic a jeho khwalić.